



Senin, 19 Juni 2023

Ogen: Joel 2:26-27



Tuhan I Tengah-Tengah Bangsaana



Habis gelap terbitlah terang, setelah hujan terbitlah pelangi. Megati sibelasken guna nuriken arapenta kerna kegeluhen enda. Mpegegehi teman-temanta si bas erbage kecibal geluh si la sikap gelah turah pengarapen i bas geluhna. Kata motivasi si naluken aru ate. Bagenda me kecibal kegeluhen bangsa Dibata si enggo mentasi perbeben si mbelin erkiteken mara si reh erbahanca gulut kal kegeluhen bangsa enda. E maka kenca lepas paksa si e reh padan Dibata man bangsa enda maka Dibata mpekena-kena bangsana.

- Si ituriken Joel arah ayat si jadi renungenta enda e me maka melala si enggo banci ialoken bangsa enda. La saja melala si man panganna tapi pe riba-iba. Megati kal paksa riba-iba erbahanca lupa kita guna njagai ulih si lit seh maka banci paksa kekurangan kelsehen kal kita. Bagi paksa piga piga waktu enda, khususna ulih kalak perjuma si tuhu-tuhu melala, mehuli tapi la meherga. Kelsehen nterem kalak erkiteken adi ulih juma sitik mpengaruhi kegeluhen sector sideban termasuk nukur barang keperluan.
- Kecibal si bagenda banci inanami bangsa e erkiteken Dibata ringan i tengah-tengah bangsa enda. Arti 'kehadiran' Dibata i bas geluhna ngataken maka Dibata masu-masu bangsa enda. Ia ncukupken keperluan rikut njamin maka lanai ia igombangi bangsa sideban. Dibata sekawalna.

Bage me penggejapen kalak si tek, megati i bas perbeben iakap itadingken Dibata dirinta. Desken KEE 205, i ja mesikel kal kita *Tuhan ringan i tengah-tengahta guna mereken pasu-pasuNa. Maler desken lau si mbelin lanai lit si terulin.* Tetaplah si undang Dibata ringan i tengah-tengahta, si jaga hubungenta si mehuli ras IA, patuh ras ndalanken si ngena ateNa.